

შრომა

სურათებიანი დამატება

დამატების № 9

სურათები, 4 პარიზი, 1906 წ.

გაზეთის № 25

განთიადის წინ

(ვიტორ ჰიუგოდან)

ხშირად ხდება, ხშირად დგება დრო გარეუნიღების,
სინათლე ბნელი და მზაკვრობა მართლეს ამარცხებს.
ხშირად ჰქრება ქვეყნად კვალი პატიოსნების,
უსინდისობა სინდისს სცემს, ტალახში ათრევს!

აჰ, ცხოვრება ქეიფია, მხოლოდ სახსარი,
დაწუნება გრძნობა, გარეუნიღების მიეტა სული,
აქ თამაშობენ, აქ სვამენ, ხმა სახარი,
სინათლე სინდისს, სინათლე ურცხვად, გაქრება გული!

პატიოსანი ხმა გაწვევს დამთვრალე ვერიდს,
პატიოსანი აზრი ჩანთა მთმა უფინმა,
ურცხვს ფეხი-ფეხზე ამაურად გადაუდგია,
მოციქული კი წმინდა აზრის ტალახში გდია!

მაგრამ იგი დრო უსინდისო, ხან-მოკლე აზის,
მაღე დაუკრავს იმის სიფლავს გლოვისა ზარი,
გაიფლის დაშე, ბრბო, დამის ბრბო მაიფანტება,
და ამაღლებს დიდებული ხალხს ცისკარი!

ი. ეკლშეილი

* *

„რად არ მეშლება ეს სხეული ესრეთ მაგარი!“
ჰამლეტ.

კალამი ხელს არ ემორჩილება. გონება სდუმს, გრძნობა მიჩლინებულა.

„აუჯავებულა მდელო, აუჯავებულა მთები!“

ირგვლივ სხვა სურათებია!! გოლგოთა, გოლგოთა, გოლგოთა! საღრჩოებლა, საღრჩოებლა, საღრჩოებლა!
ტურთა ხეებში სისხლის რუგბია! უწმინდესი გრძნობა-ნი შეგინებულა, საუკეთესო ლტოლვილებანი დამარცხებული.



ფანსონი.

ამო სიტყვა წარმოსთქვას ბრიუსელში ქართველების შესახებ
გამართულ მიტინგზე. (იხ. „შრომა“ № 23)



განდერგელი.

მაღლა ყვავ-ყორანი! სევათა ხარხარი!
ისმის ჩხრიალი... ბორკილების მტრევეისა კი არა, მისი
შეტევლის.

მამას გაუყარეს იგი ფეხებში. დედა კი ტყე-ტყე დაძრ-
წის თავის პაწია უმანკოთ, როპელიც დედის გამხმარ და
გამოფიტულ ძუძუებიდან ამოდ გამოელის აღმზრდელს და
დამპურებელს რძეს;

და... ნამუს-ახილი გამოესალმა წუთი სოფელს.

მეგობრები, ძმები და ამხანაგები?

— იმათა სისხლის რუგბი.

— საყვარელი?

— გული გაუპეს!

— ჰო, საშინელებად!

მე თვით ვნახე, შავი ყორანი თავის მყარალის ნისკარტით
როგორ უკორტნიდა ტურთა თვალებსა!..

აქ კიდევ ცის ტოტნობზე ჩონჩხიანი შიმშილი მოსჩანს.

გარს კი მაორახები გამზადებულან.

პირდაპირ—ხარბაზნები, უკან კი კვლავ ბორკილები.

გავშტერებულვარ. თვით წყევაც კი ვერ ამოსცდენია
ბაგეებს.

ირგვლივ კი მინც მომგმის, ყურში მეჭრება, გულს
მიზარავს კენესა, გმინვა დაჩაგრულისა.

ო, რად არ მეშლება ეს სხეული ესრეთ მაგარი!

შალვა დადიანი

სამოსო სიშხარი

მუშათა ცხოვრებიდან

(დასასრული*)

IV

სალამო ხანი იყო და აუარებელი მუშა იყრიდა თავს
„სახალხო სახლში“. ზემოდ მუშათა ორკესტრს რეპეტიცია
ჰქონდა. ამ ორკესტრში იყო შეერთებული ჯგუფი მემუ-
სიკე-მუშებისა, რომელიც მუშათა ყველა დღესასწაულსა და
კონცერტებზე და აგრეთვე მანიფესტაციების დროს უკრავდა.
ეს ორკესტრი ხშირად გასიერიანებდა ხოლმე ქალაქის ქუჩებ-
სა და ქალაქ გარეთაც; საცა წავიდოდა, ყველგან „მარსე-
ლიზა“-ს უკრავდა და თანაც არიგებდა „ხალხი“-ს ნომრებს,
პარტიის ბროშურებს და ამსახით პროპაგანდას ეწეოდა,
ხალხში ავრცელებდა მუსიკის ტკბილ ხმებთან ერთად სოცია-
ლიზმის იდეებს, იდეებს მუშათა კავშირისა, საყოველთაო
ძმობისა და მშვიდობიანობის დამყარებისას.

დარბაზს მიტინგისთვის ამზადებდნენ, „საოჯახო სახლი“
ახლა გაჩირაღდებული იყო, სიცოცხლე სდუღდა და გაღმო-
დუღდა, დიდს მზადებაში იყვნენ სამისო მანიფესტაციისთვის.
საათის 8-ზე მოისმა პატარა ზარის ხმა, რომელიც მიტინგზე
იწვევდა ხალხს. პარტიის სიყვარული ორატორები უკვე დარ-
ბაში იყვნენ. ერთი ამათგანი ყოფილი მუშა (პარტიის იმდენი
საქმე აქვს საწარმოებელი, რომ ბევრი მუშა იძულებული იყო
თავი გაენებებინა მუშაობისათვის და ჯამაგირით შესულიყო
პარტიის სამსახურში). აი ტრიბუნაზე ავიდა ორატორი და
დაიწყო: ამხანაგებო, მუშათა პარტიის საბჭო გულმხურვალედ
მოგიწოდებთ თქვენ, რაც შეიძლება, მეტმა მოიყაროთ თავი
პირველ მაისის დღესასწაულზე და ყოველი ღონისძიება იხმა-
როთ, რომ არც ერთი მუშა არ მუშაობდეს ამ დღეს. ჩვენ

*) იხ. „დამატება“ № 8.



სოფელში

ექსპლოატატორები გვიძულებდნენ გვედღესასწაულნა მათი დღესასწაული, გვეწამნა მათი წმინდანები. ახლა კი დადგა დრო, ვადღესასწაულებინოთ იმათ საყოველთაო გაფიცვით დღესასწაული პროლეტარიატისა, დღესასწაული მთელის დატანჯულის კაცობრიობისა. ეს დღესასწაული მთელის ქვეყნიერების დღესასწაულია. ამ დღეს მუშაობის შეწყვეტითა და დღესასწაულობით თქვენ ერთობა-სოლიდარობას უცხადებთ ყველა ქვეყნის მუშებს, რომელიც თქვენსავით უქმობენ დღე-ღამედღ დღეს, ხვალინდელი თქვენი ერთობრივი, ერთსულადი მანიფესტაცია შიშის ზარს დასცემს თქვენს სისხლის მწოველთ: თქვენი ერთსულადანებით თქვენ დუქტიკებთ მთელის ქვეყნიერების ამხანაგ-მუშებს, რომ იმათ შეუძლიათ თქვენი იმედი იქონიონ. დეე, ყველა მუშებია შეეგებნენ პარკელ მაისს, განთიადს განთავისუფლებისას, განთიადს ახალის ცხოვრებისას! გაუმარჯოს პირველ მაისს! გაუმარჯოს მკიდრულ შეკავშირებულსა და შეერთებულს პროლეტარიატს!

„გაუმარჯოს პირველ მაისს!“ — გაისმა მგრგვინავი, მქუხარი ყოჩიან ვებერთელა დარბაზში. მუშები ცხვირსახოცების ქვევით უმტიკებდნენ ორატორს თავიანთ სოლიდარობას, ფეხით იჯდა და პირზე ხელი მიეფარებინა. მისთვის მიუწოდებელი იყო მთელი ის ძლიერება, რომელიც იხატებოდა მუშების ხმებში, მათს ალტაცებაში. რაღაც თავისუფალი, ძლიერი, მქუხარე, გამოისმოდა ამ ხმებში, ეფინებოდა მთელს დარბაზს, ძვალ-რბილში უჯდებოდა მუშებს.

ილაპარაკეს პარტიის ორატორებმა, შემდეგ გადავიდნენ მორიგ საქმეებზე და საღამოს 11 საათზე დაიშალნენ, რათა დიდებულად მიჰგებოდნენ ხვალინდელს დიდებულს დღეს.

მზიარული, კმაყოფილი მუშები ჭრიამულით მიდიოდნენ თავიანთ სახლში, არავისი არ ეშინოდათ, არავისი არ ეშალებოდნენ, ქუჩებში ხმაზად, თამაზად განაგრძობდნენ სჯაბასს, და გაზაფხულის მყუდრო ღამეს უზიარებდნენ თავიანთ თავისუფალს აზრებსა და გრძნობებს, თავიანთ იმედებს მომავალზე.

V

მეორე დღეს ფედორი და მისი ამხანაგი დილა ადრეან „სახალხო სახლ“-ში იყვნენ. ჩინებული დღე იდგა, ჰაერი წმინდა და ნათელი იყო, ცის კამარა მოწმენდილი ხელის გულივით,

ბუნება ნორჩ სამოსელში ეხვეოდა, კოკრები რაღაცა მორცხვად იშლებოდა, თითქოს ეშინიანთ თავიანთ ამხანაგების წინ გასწრობა, თითქოს სცდილობს სხვებთან ერთად მიეგებნენ მშვენიერს, კეკლუტს გაზაფხულს, დღესასწაულს განახლებისასაო.

ყვავილების მორევში სცურავდა „სახალხო სახლიც“, წნავდნენ გვირგვინებს საღამოს მანიფესტაციისთვის, აშაუდებდნენ ლამპრებს, დროშებს. დილით ქალაქის ყველა კუთხეში მიტინგები იყო. პარტიის ორატორები უხსნიდნენ, ებასებოდნენ ამხანაგებს ერთობა-სოლიდარობასა, სოციალიზმსა, მუშათა მოძრაობის მიზნებსა და სხვა საგნებზე. ყველა მიტინგზე აღიარებული იქნა 8 საათის სამუშაო დრო, როგორც მახლობელი მიზანი მუშათა კლასისა.

ასე ჩაიარა დღემ.

საღამოს ექვს საათზე დაიწყო დენა მუშათა ჯგუფებმა ანსახის ბუღვარისაკენ, საიდანაც მანიფესტაცია! უნდა გამოართულიყო. მოედანსა და მის ახლო-მახლო ქუჩებზე ათასობით იდგნენ ცნობის მოყვარენი. „ნუ გროვდებით, ნუ უშლით ხელს მუშების დამჭკრივებს!“ — გაიძახოდა პოლიცია. იგი მისულიყო, რათა ხელი შეეწყო მუშებისათვის, გაეწმინდა მათთვის გზა. მთელი ორი საათის განმავლობაში მწყკრივდებოდნენ მუშები, მოედანზე ჯერ-ჯერობათ ორმოცდა ათი ათას კაცს მაინც მოეყარა თავი. დილის 8 საათზე დაიძრა პროცესია. წინ მიჰქანდათ წითელი დროშა ზედწარწერით: „პროლეტარებო ყველა ქვეყნისა შეერთდით!“ ეს ორატორიანი დროშა, ყვავილებით მორთული, მიჰქანდა მუშებს. უკან მისდევდნენ პროფესიონალური კავშირები თავიანთი დროშებით. მიჰყვებოდა აგრეთვე კავშირი სამეტალურგო ქარხნების მუშებისა ვებერთელა დროშით, რომელიც ოთხ მუშას მიჰქანდა. დროშაზე გამოხატული იყო ვებერთელა ჩაქუჩი და გრდემლი. მის უკან მიჰყვებოდნენ ფეიქრებისა, დურგლებისა, მექედებისა და სხვა ხელობის აუარებელი კავშირები: ამათ მისდევდა კავშირი სოციალისტ-ტელდენტებისა, მკერავ ქალებისა, მეხელთათმეებისა, მეყვავილეებისა, მრეცხავებისა და სხვა ვისაც დროშა არ მიჰქანდა, მის ლამპარი ეჭირა დროშებზე სხვადასხვა წარწერა იყო. ასე, მაგალითად, ერთზე ეწერა: „ჩვენც გვჭეუნიან საცოცხელი, ვიანოვთ 8 საათის სამუშაო დღეს;“ „კაპიტალიზმი ჰნთქავს მუშების“



შეპერბადი წითელი რ. ზმკლები.

სიცოცხლეს, ძირს კაპიტალიზმი! ძირს მუდმივი ჯარი! ჩვენ ვითხოვთ სახალხო მილიციას! ერთ-ერთ დროშივე დახატული იყო მდიდრულად მორთული ოთახი, გაშლილი სუფრით, საცა ელაგა ღვინო და სხვადასხვანაირი საჭმელი; სტოლს უჯდა მსხვილი კაცი, — იქვე წარწერა: „ასე სცხოვრობენ მუქთახორები, მუშების ოფლით გამაძლარნი!“ ამ სუათის გვერდით დახატული იყო ღარიბი ქოხი, შიშველ-ტიტველის ბავშვებითა და მომკვდავ მუშით, ზედ შემდეგი ეწერა: „ასე სცხოვრობენ მუშები, რომელთა სისხლი კაპიტალის მოგებათ გადაქცეულია.“

კავშირებს შორის მემუნიციები განუწყვეტლივ უკრავდნენ მარსელიზმს და კარმანიოლას. უკან მოდიოდა ვეებერთელა ეტლი, სულ ერთავად სადგე ყვავილებით. ყვავილებში ასამდე ბავშვი იჯდა. იმათ საყვარელ სახეებს ძლივს გააჩნევდით ყვავილებისაგან; მათი წკრილა ხმა ცამდინ სწევდნენ სიმღერებს თავისუფლებასა და თანასწორობაზე. ყვავილებში აშკარად მოსჩანდა შემდეგი წარწერა: „ჩვენ ვითხოვთ ბავშვების აღზრდას სახელმწიფო ხარჯით, ჩვენ ვითხოვთ, რომ ბავშვები სკოლებში დადიოდნენ ფაბრიკების მაგივრად! გაუშარჯოს სოციალიზმს, იგი გაანთავისუფლებს ჩვენს ბავშვებს მონობისაგან!“ პატარები თავს უკრავდნენ გამველ-გამომვლელთ, იმათ პაწაწა ხელები ძმურს სალამს იძლეოდნენ, გაწითლებულ პარსახეებზე კი ბედნიერება და სიხარული უბრწყინავდნენ; ყვავილები რხევით ეალერსებოდნენ ბავშვებს, თითქმის აღთქმას სდებენ, დაიხსნან მძიმე ცხოვრებისაგან პროლეტარები, იმ ცხოვრებისაგან, რომელიც მძიმე ლოდნით დასწოლოდათ კისერზე მათ მამებსა და დედებს..

ბავშვებს უკან მიჰყვებოდა ორთვლიანი ეტლი. ისიც გატენილი იყო ყვავილებით, რომლებშიც გამოიქვირებოდა ლამაზი ქალიშვილი, თეთრებში გამოწყობილი, თმა გაშლილი.

მის ფეხებთან განუწყვეტლივ ენთო მაგნი და ოკროსფერ სხივებს ჰფენდა. ეს იყო თავისუფლების ღმერთი. თავსწევით ოკროს ასოებით გამოყვანილი წარწერა: „თავისუფლება, თანასწორობა, ძმობა, სიყვარული“.

მთელმა ამ პროცესიამ ვეებერთელა ადგილი დაიჭირა. იგი დაიძრა და გაემართა მდიდრების უბნებისაკენ. რაღაც სასწაულებრივს, რაღაც საიდუმლოებით აღსავსე შესახედობას წარმოადგენდა ეს პროცესია... ქუჩებში აღარ იძროდა არც ერთი ეტლი, გამველ-გამომვლელნი სტელილობდნენ გზა მიეცათ პროცესისათვის. რაღაც სამარისებური სიჩუმე იყო ჰაერში, ძირს კი, ქუჩებში, ჰქუხდა მარსელიზმა, ედებოდა მთელს ქალაქს და არავის არ შეეძლო არ დაეგდო მისთვის ყური, დაჰმალვოდა მის გამსქვალავ ხმებს...

რასა ჰფიქრობდა ამ დროს ბურჟუაზია? როგორ გუნებაზე იყო იგი ამ დროს თავის სასახლეების მოოქვრილ გალიებში?

როგორის თვლებით უცქეროდა იგი თავის მტერს, რომელიც თამამად მიაბიჯებდა ქუჩებში, მტერს შეერთებულს ერთ დაურღვეველ კავშირში? ამ მოლაპლაპე ლაშქრებში, ამ მწყობრად მიმდინარე ხალხში, ამ ცოლებისა, მკერებისა, ბავშვებისა, დებისა და ძმების კავშირში იგი ხედავდა თავის დაუძინებელს, უღომებელს მტერს, თავის მემკვიდრეს... აი იმიტომ, რომ ასე შავბნელად იცქირებიან ახლა მდიდრების სახლები, ასე საჩქაროზედ იხურება აივნების კარები, იქ მცხოვრებთ არ უნდათ დაინახონ პროლეტარიატის მზიარულობა, არ უნდათ შეზხედონ ამ ერთად ერთს ღღეს, ერთად ერთს ბედნიერს ღღეს პროლეტარიატისათვის წელიწადში, ერთს ღღეს, რომელიც მეტს იმედს უნერგავს, მეტ ძალას ჰმარტებს მომავალ ბრძოლისათვის...

პროცესიამ გაიარა ყველა მთავარი ქუჩა, მთავარი მოედანი და მივიდა ქალაქის საბჭოსთან დიდს მოედანზე, პოლი-

ციას იქაც ეზრუნა მუშებისათვის: მოედანი უკვე შემოვლო-
ბნათ ფიცრებით, გარეთ უნდა დამდგარიყვნენ გარეშე მაყუ-
რებლები, შიგნით მუშები. როცა ამოდენა ჯარმა მუშებისამ
დაიჭირა მთელი მოედანი, ყველამ ერთხმად დასძახა მარსელი-
ეზა და შემდეგ გაისმა: „გაუმარჯოს მუშათა პარტიას! გაუ-
მარჯოს მუშათა მოძრაობას მთელ დედამიწაზე! გაუმარჯოს
სოციალიზმს!“

გათავდა მანიფესტაცია, დაქანცული მუშები ნელა, ხელი-
ხელ გადადებული დაიშალნენ თავიანთ სახლებში. შუალამე
იქნებოდა. ვარსკვლავებს კაშკაში გაჰქონდათ ცაზე, მაისის
თბილ ღამის ზეწარში გახვეულიყო ქალაქი...

ფედორი მიდიოდა და თანაც ჰბოდავდა. მართალია
ყველაფერი, მართალია, ყოველისფერი ეს საკუთარის თავლე-
ბით ნახა, თითონ მონაწილედა ამ მანიფესტაციაში, ის
უამბობს თავის ამხანაგებს, უამბობს ყველაფერს, როგორ
სცხოვრობენ მათი ამხანაგები, ისიც ელირსება, იგიც მიადწევს
და მოესწრობა ამისთანა დღეს თავის სამშობლოში, იგი
ფიცსა სდებს არ დაზოგოს თავი, ახლა კი იცის რა არის მა-
თვინ საჭირო...

მაგრამ ეს რა ამბავია? კენესა? ტირილი? თუ მოეყურა
ყველაფერი? არა, ტირილის ხმა უფრო მაღლა გაისმა, გულს
უჩხვლევს ეს ტირილი, აქეთ-იქით მივარდება, უნდა იპო-
ვოს, ვინა ჰღერის ამ ცრემლებს, ვინ მოსუქვამს ასეთის ხმით,
ვისი კენესა უღრღნის სულს...

VI

ჩაძაღლი, თუ რა დავმართნია? — გაისმა ვილაცას ტლა-
ნქი ხმა.

ფედორი ძლივსძლივობით მოვიდა გონს, მიიხედ-მოიხედა
და რას ჰხედავს: თავზე დასდგომია ჟანდარმი და აღვიძებს,
რაც ძალი და ღონე აქვს. ოთახი უკვე გავსებულია პოლი-
ციელებით, რომელთაც დედაბუდიანათ გადაუბრუნებიათ
ოთახი. მეორე ჟანდარმს ხელში უჭირავს სამაისო პოკოლმა-
ციები, რომელიც ფედორის ჯიბეში ჰნახა. ფედორს დაავიწყ-
და პოკოლმაციების ამოღება ჯიბიდან! კუთხეში მიმჯდარია
დაშა და მწარეთა და გულამოსკვით ქვითინებს.

— დაჩუმდი, შე ძროხავ, ან და აქედგან დაიკარგი! —
დაუბრახუნა დაშას ჟანდარმმა ფეხი.

„თხლაშ!..“ გაისმა თხლაშანის ხმა პატარა ოთახში. და-
შამ უფრო უმატა ქვითინს, ფედორისაგან სილანაქმევმა ჟან-
დარმმა კი დაავლო მას ხელი და იქვე გარინდა...

ფედორის მკრთალმა, შესაშინებელმა, სიძულვილით აღ-
სავსე სახემ დასწვა იგი და იძულებული იყო ხელები გაეშ-
ვა...

ს ღამათობაძე



თხოზიციურ გაკეთის რეაქტორა, რომლის გაზოც ჯერ არ დაუსურათ. ეს ისეთი იშვიათი მოვლენაა, რომ ყველა
გაპირვებული უეუერებს, და ფოტოგრაფები სურათს იღებენ.

რეაქტორ-გამომცემელი ალ. ნ. დიასამიძე.